

小倉山房詩集

小倉山房詩集卷九

癸酒

錢唐袁枚子才

折花詞爲陶西圃作

有序

西圃小住隨園酒後爲余書隨園記于屏門屏
後女奴阿招清臚偶觸陶目營然欲有紫雲之
請而弱于顏乃謬爲恭敬書法益工呂進士炳
星爲通其意甚婉阿招知之奮袖詩行正月七
日諸名士集隨園沈司馬補蘿簪花給事中方
玉川捧鏡王太守孟亭持械箭主人供帳具婚
畢各賦一詩

舊雨相逢話別離空山無物表相思憑君折取園花去

當作河梁柳一枝

一曲更衣願也無更將郎意試官奴
玫瑰淺笑西窗下
道兒羅敷早持鬢

粉澤蘭熏墨數行南都人士盡催妝
送香蜂蝶填橋鵲
共助先生一夕忙

江郎老去生花筆書罷屏風更畫眉
吩咐雲鬟好調護
早朝時與晚衙時

呂炳星進士合卷歌

天上三星明一簇八鷺鏘踏憂寒玉
人爲呂範賦催妝
我學校舉作禱祝憶昔縮符東海東
呂郎傳纒絳帳中
芬芳謝覽春蘭似清瘦裴寬碧鶴同
三年秩滿賦南征

魯國諸生散若星，獨有蘇章偏負笈。從師直到石，
一領襦衫馬前拜。館餐重把高賢待，訟庭花落冬
秋夜。燈涼同緩帶，湘簾高捲夏侯衣。女樂行觴醉化之，
呵氣誰知王謬貴。留心早有負羈妻，吾妻家世琅琊宅。
三妹劉家俱有適，小姑居處獨無郎。璇宮夜抱冰絲織，
椿萱堂上都無有。年來阿姐如阿母，買馬須看未駕時。
求郎莫待登科後，一枝釵綴水精球。代付檀郎寫聘書，
老子仍居丈人行。門生化作小姨夫，鋒車北去雪霜深。
千里飛奴少信音，闔苑風遲燒尾宴。天涯人倦看花心，
十年不字春將老。粥粥羣雌催鷓鴣，鳥不教青桂近嫦娥。
難信冰人雙目好，一朝南館咏霓裳。兩到蟾宮馬足香。

借得天錢迎織女歸攜玉杵拜劉綱江水茫茫波又波
江妃路遠愁如何老夫手指銀河路老妻願撒妝奩助
讓出空山紫竹牀隨園便是黃姑渡園中四面好樓臺
三百梅花樹樹開景龍撒帳金錢艷單伯迎姬甥館佳
上元地界上元朝月帶清波水上搖春逢佳節風都軟
花對紅燈分外嬌莫學元韶弄女婿且聽庾袞訓荆條
呂郎呂郎進一卮老夫歌罷還有詞栽桃種李今朝畢
管到東風結子時

哭許滄亭觀察

送別深留我歸來竟哭君咸陽遊子淚白下故人墳薄
海橫馳譽湘江最勒勳高才生衆敵餘勇整殘軍老卜

金陵宅幽棲碧水瀆空堂飛瓦石平地起烟雲裙屐常
筵滿笙歌鎖日聞達觀娛暮景苦志托斯文有律吹寒
谷無戈挽夕暉酒盞人冉冉花塢雪紛紛老父終天恨
先生憇問勤信才三口斷手又百年分夜雨鳴鳩鳩秋
霜感雁羣招魂呼塵尾何處召靈氛

山居絕句

草草亭臺布置餘今年真个愛吾廬牙籤都放西廊下
自有斜陽來曝書

朱藤花壓讀書堂分得桐陰半畝涼新製玻璃窗六扇
關窗依舊月如霜

鎮日山腰劔自雲裁量烟草話紛紛春衫不用金爐熱

小存山房 卷九 三
自向百花香裏熏

穿林繞磴問桑麻空翠無聲染素紗
笑撲衣裳似蝴蝶
半粘竹粉半松花

山頂樓高暮雨寒飛雲出入小闌干
浮空白浪西南角
收取長江屋裏看

長風高閣易生秋客散青天酒未收
六代雲山孝陵樹
一齊排著使人愁

雲錦淙邊折樹枝枕烟庭上寫烏絲
顏含性命無勞卜
表聖功勳只賞詩

青蘆葉葉動春湖堤上楊花帶雪飄
滿地月明仙鶴語
碧天如水一棹簫

讀書鎮日爲書忙，別有清眸一寸光。問我歸心向
三分周孔二分莊。

萬重寒翠盪空明，四面紅牆築不成。十丈籬笆干木
山中我自育長城。

客秋此日正長途，萬里歸來猿鶴呼。半夜松濤聲作雨
尚疑飄泊在江湖。

以琴與古林禪師易竹

抱出綠綺琴，換師青琅玕。此琴分明出家去，冰絲對月
空愁嘆。臨別再彈音，轉促真个絲聲不如竹。明朝看竹
坐清風，未免感舊懷。絲桐竹亦莫愁別，琴亦不離羣。僧
家鐘磬我家月，只隔青山一片雲。

卽事

吹得鶯花老東風也暫停松聲晴亦雨山色斷還青竹
粉粘黃蝶荷珠瀉綠萍張融手何物小品法華經

謝鹿詩

并序

家弟保侯明府畜蘭鹿跳出籬敗其葉隨盡明
府怒囚之獄于才子馳檄救之且乞之檄成無
任使者杭州何西舫孝廉適至喜捧檄鑿行日
跌四弓了昇檻車至奔觸奮迅不可逼視已而
入高山騰深林蹶蹶呦呦首舞至地若曰滅死
鼠竄且入山如太白流夜郎子瞻放儋耳也得
其所哉爲詩盛明府爲得鹿者謝兼爲鹿謝

山人山居苦無偶常思得鹿如得友鹿本居山忽在官
身雖宦途心否否呦呦聲中張齒牙琴堂大嚼幽蘭花
使君能吏政尚猛威不及汝心咨嗟信陵公子鶴伏喚
童恢賢令虎畏神從來國法及野獸傷蘭之罪如傷人
鐵鎖銀鐙牽鹿到囚之獄中獄吏笑雙角權爲園土低
生芻難祭臯陶廟山中之人笑且呼馳書救鹿鹿無辜
譬如將我束手板我豈肯循規矩乎求者不得得者輕
世間萬事何山平山人養鹿官養蘭蘭肥鹿健兩相安
主人大喜阿兄語教書立下萋萋鼓滿山猿鶴迎且舞
誰爲嘉賓誰爲主夏麥茫茫草正青山人日日吹金笙
昨宵無夢竟得鹿滿庭雨滴芭蕉聲

雨

當窗三日雨對面一峯沉花有消魂色鶯無出樹心怒
蛙爭客語新水學琴音折竹教僮試前溪幾尺深

讀寒則傳

楚王興大獄薄海懼災殃朝廷誅妖逆救者爲不祥賢
哉寒大夫慷慨對漢皇自言當族滅不與人共章臣見
考因時各以鍛鍊強考十連百千猶恐未精詳陛下問
公卿僉曰大聖仁澤合及五族今止及其身天下已幸
甚臣等復何言及其歸舍坐仰屋竊長歎明知覆盆冤
龍鱗未敢干臣願陛下悟萬死臣亦安寒公語未終天
子顏色變急命金根車自幸洛陽殿赦出千餘人哀哀

淚如霰當時無此公書天空雷電

侵曉

侵曉巴童太喫虛驚呼雨濕北窗書小池陡長一犁雨
漂出我家紅鯉魚

墾地五尺許栽禾爲戲

田小農易作開墾在須臾試此土膏美栽禾三十株新
秧影太孤及長勢相扶芄芄綠雲舒亦若懷新居未敢
望收穫姑且勤芻菑下不給妻子上不輸王租得其趣
而已老農吾不如

雨後步水西亭

雨氣不能盡散作滿園烟好風何處來荷葉爲翩翩翠

花浴三日意態柔且鮮幽人傾兩耳竹外鳴新泉啁啾
一鳥歇閣閣翠蛙連暝色起喬木斷虹媚遠天蝸過有
殘篆梁澗無和絃憑闌意悄然與鷗相對眠

· 僧房

僧房憑畫檻流日眺平原踈雨過千里夕陽紅半村風
涼花氣散室小佛香溫昨日彈碁處苔階墮子存

· 積水暴流命僮建閘爲瀑布

雨停樹上聲水作溪中響溪當兩山凹奔流尤莽莽呼
僮東以開銀河隨手長雖躍一尺布已過千人額勢連
山帶飛氣挾虹橋往花落影不留魚去坂成黨逝者如
斯夫空存濛濛想

倪素峯歸棹圖

我思作一舟其速如飛鴉不載人離別只載人歸家烟
篷竹櫂作未就年年遠客愁風沙先生持筆向我笑丹
青紙上聲嗚嗚夜來有夢畫有畫我今歸矣通知他

何西勛來看濕布

黃梅時節掩柴荆聽得敲門踏濕迎舊雨乍來披草立
新泉臨去向花鳴千枝荷葉珠回瀉一片銀河浪有聲
絕似天台結遊伴溪邊驚看石梁橫

朱草衣寒燈課女圖

牆角春深一樓雨老燕雌雛作低語草衣山人四壁空
繞膝呻吟惟一女貧家贈女無奩資只有一本周南詩

女郎伊唔未上口海棠花下親教之不願女兒通九經
入宮天子呼先生只願女兒粗識字酒譜茶經相夫子
阿母墳邊春草綠阿翁吟苦家無粟恰恐春華委逝波
爲兒常買三條燭讀罷殘雞膈膊鳴茅屋一九織女星

翁壽堂三十三山草堂圖

四海才名六十春青鞵布襪軟紅塵平生事事謙冲甚
只有青山不讓人

香山溶水影迢迢綠樹橫陳葉未凋半畝草堂江上好
不關門住等春潮

試罷彤廷戶不開談經重薦伏生才一時猿鶴驚相顧
花外蒲輪今又來

與郭鳳池侍講秦淮話舊作

當頭新月墜纖纖十二年來吏隱兼人似孤鴻雲聚散
詩如老將律精嚴黃梅雨久秦淮潤紅藕花深畫舫添
料得憑欄定含睇六朝春在水精簾

携手雞壇五少年山河一夢酒壚邊參軍蠻語今能否
海上琴聲更渺然舊雨竟無知己賦新詩偏有悼亡篇
夕陽小騎梅花影苦憶金臺掃雪天

欲續鸞膠帶雨聽風驟小住玉河亭家家短笛橫窗過
日日長眉隔水青深夜花明燈照影雕闌酒罷月當庭
尋春我有藍橋路且飲瓊漿再乞靈

南州才遇郭林宗又說歸心似轉蓬墊角風標傳白下

唾壺恩寵極青宮天邊月落應思我山裏雲多不贈公
遮莫題襟桃葉渡暮潮愁送夕陽紅

次日侍講納姬索詩

吹笛青溪雁影分一家人載兩船雲

侍講令見先娶一姬玉蓮花

壓連宵雨六月深涼似爲君

尋春甘苦我深嘗此事難於上太行剛好一枝真碧玉
定情親勸汝南王

曳杖看雲歌贈張玉川

太湖白雲三萬頃有人看過五十年神仙贈與綠玉杖
追雲直到湖水邊白雲都向烟波入先生曳杖湖邊立
烟波重見白雲生先生曳杖湖邊行疑是騎雲鶴皎潔

隨風落又疑雲中君飄飄白練裙誰知乃是玉川子
生脚踏長安市長安故人不相待富者乘車貴張蓋
如麟鳳翔高天或惹驚風飄塞外不見爲霖澤物有餘
功但覺白衣蒼狗無多在長揖五侯門吳江一葉開看
雲指老眼重理舊生涯鎖雲叢製更羸手撻雲篇費蘇
公才醉倒洞庭山頂最高處大呼七十二峰雲出來

瘞梓人詩

梓人武龍臺長瘦多力隨園亭榭率成其手癸
酉七月十一日病卒素無家也收者寂然余爲
棺殮瘞園之西偏爲詩告之

生理各有報誰謂事偶然汝爲余作室余爲汝作棺瘞

汝於園側始覺於我安本汝所營造使汝仍往還清風
飄汝魄野麥供汝餐勝汝有孫子遠送郊外寒永永作
神衛陰風勿愁歎

襍詩三首

仙人王子喬成仙太少年張口吸虹采乘鸞翔雲烟忽
然笑天上玉齒流電光奴視黃初平羣龍罰一觴遠謫
西海去霜雪風蕭蕭騎鯨不得下一日如千朝歸馭浮
金房琪花開尚好深悔洩天機守口如瓶小

驚飈盪層嵐危葉隕寒露潦清察淵魚林空見孤兔肅
肅霜華新赫赫金丸度幽人傾兩耳萬籟俱非故感茲
秋更清緬懷歲將暮揮戈少回光控弦無遠步英英對

白雲衡茅須汝護

洪鈞陶萬類濛濛如沙輕賴有數行字賢者垂其名國
史高一尺不向卷首爭生存已無傳奚待坵隴平白髮
不可鑄黃金不能成不如飲美酒未死先冥冥

春雨樓題詞爲張冠伯作

江南九月秋雨多采菱女兒唱棹歌歌聲宛轉入雲去
木葉慘慘水不波金荃譜好何人製道是京江張公子
公子滄桑四十年鄙人約畧能彈指儂住錢塘江上村
錢塘作鎮李將軍乘龍壻得張延賞花燭人間第一春
崔盧門第武安家弄玉吹簫鳳引車艷艷華燈金作屋
層層步障樹交花兩家門第氣如虹况復姮娥出月宮

仙樂風高香遠近珠璣入掃路西東官衙書禿三千管
叙費爭傳百萬工自憐髮短初垂額鳴闌也看羊車客
望得衣裳影半痕便成春夢三生隔長安作隊走名場
市上相逢各老蒼忝著宮袍歸索婦馬頭才拜北平王
此時金印已模糊此日華池錦尚鋪聞說霓裳家按譜
有時玉女共投壺憐才到處夸袁虎意氣公然似灌夫
誰知白日堂堂去黑雲一陣風來處竇氏貪爭沁水田
石家禍起珊瑚樹魏其賓客霍家奴崑岡失火燒無數
仲山父鼎孔惺鐘儻與山河誓始終兩入星牢都脫手
一朝平地躓秋風雄雞斷尾何人悟象齒焚身自古
禍水家家欲滅難命燈誰肯續三竿罪雖全雪家何

死竟無名骨不與青山莊在路人遊臺榭荒涼草數邱
羊侃歌姬辭故苑謝公絲竹剩空樓門留賣帖風吹白
樞過橋心水不流可憐一品令公孫曾是當年看殺人
飄泊鯁魚身一箇春雨樓中淚潛墮唱斷秋山紅豆枝
曉風殘月真無那吳苑三更烏夜啼南唐一闕家山破
芳草茫茫六代烟白頭重遇柳屯田耳聾怕聽興亡事
冠伯兩耳聾兩手滑能調斷續絃乞食吹簫歸不得爲人權作
李龜年樂府千章韻更嬌旗亭雪小月輪高曲終酒散
琵琶斷剩有秋江咽暮潮謂爲文貞公之孫德晉李衛
之婿父道作方伯家產請沒

寄莊容可撫軍五排一百韵

辱唁思親謝開門長路長自歸秦嶺雪翻戀讀書堂奉

八卷上五
母身將隱懷公歆豈忘每逢吳計吏時訊丈人行始憚
西門急徐安子產良胥師平市價蕃樂阜金閭漢地開
淳鹵周書訓糴匡小笞都檢校領繫悉平章古戍狼烟
靜新禾玉露灑碑刊王穉子兩頌段文昌入耳騰清譽
關心暗拍張名備無覆餗吾道有輝光苦憶長安日羣
遊翰墨場飛揚鴻寶殿潦倒碧雞坊草綠王孫別槐黃
舉子忙少年文戰銳傾國飲泉狂爭勝拏相博詆諧體
類倡登壇拜孫策如意贈姚萇舞或爲鸚鵡裘時典鷓
鴒兩回珠藥榜一樣姓名香同是青鴻鵠誰爲白鳳凰
筵張燒尾宴人看狀元郎簇簇宮花好翩翩馬首昂高
遷孤客館直入上清房園古杉如鐵松高鼠似麀雜花

侵獸錦班管動琳琅濡蠟中涓侍燒梨御果嘗賡歌詩
百韻待漏日三商笙磬原同調人天未隔疆來看南苑
月借宿屋東廂款款人同醉遼遼夜未央九霄風忽引
二鳥翼分翔傾耳鈞韶斷回頭海影荒金蓮摧白露銀
漢隔紅牆駑馬何辭棧禪心不戀桑兒寬調禮樂卜式
牧牛羊沐水唐東海金陵晉建康繭絲紛校括伍伯走
踉蹌吏畏烏銜肉民愁鳥啄瘡疏絃矜古調冶貌薄時
粧格竟停崔亮廷難辱范滂鴟鵂悲腐鼠雞犬別淮王
乞病風塵外幽棲鍾阜旁官聲存野老世事唱迷陽用
里公超市庚桑礮礪鄉青霞暫瀟酒元豹識行藏谷口
方名鄭中丞道姓莊當街呵赤棒南面坐癡牀戲我稱

新隸騎人說弄璋

公以先得子自夸

繞梁歌宛轉雜珮玉丁當

盛德癩如故狂奴態不妨燈燒除夕夜佩贈小鞶囊為

索長安米仍催白下裝尹邢寧避面王貢約騰驤寺起

浮圖壁弓彎大屈強遽將鞍作几妄想蟹成筐筮日聞

呼輶登山笑乞糶盧生重入夢衛女不安婚病馬繩穿

鼻豪牛背服箱吾皇剛北面彼美竟西方腰鼓離兄

弟函關鬪虎狼過秦非買誼出塞似玉嬌衫色侵中嶽

鈴聲響北邙從軍新樂府行客古河梁太華當頭墮蓮

花刺目涼裊烝沙漸澀甌脫雨淋浪墨子書難載羅侯

債未償守林愁白兔枯閭厄黃楊強逐衙官隊低持手

板僵陳人衣錦繡老婦拜姑嫜開府三秦壯將軍五色

盲但教隨絲灌不見試冀黃羅塔慚名姓昆池弔漢唐
瓊越遵祖鶴來去督郵蝗京兆眉痕嫵終南樹色蒼鄉
書屏望月宦局與生祥老父遷江左全家別古杭乘船
六月暑思子九廻腸風木悲何遽滄桑事改常官無三
日作家有四人亡髮亂奔蓬葆腸摧勝涓湯靈椿看倣
御孝水飲悽惶耶罷驚呼回摩敦苦憶娘麻衣關洛雨
葛履虎牢霜夾道理車轂狂飈斷馬鞅蓼莪春草細肥
峭白雲傷返舍空啼影興機更舉喪卜居尋近市負土
出平岡恨賦原因別騷歌漫續羌深蒙金帶客遠奠紫
霞觴鴻筆書哀輓銘旌代顯揚憶雲泥耿耿感舊節茫
茫敢寄詩千字聊當葦一航崇轅依虎阜賢弟隔南陽

公弟有信 銀手都如斷金心各自將當茲春滿地遙想
守南陽 月明廊化雨沾芳草離愁寄海棠願言崇景德竹帛永
相望

秋雨歎

癸酉九月雨聲譁一十六日脚如麻天欲壓我懼不勝
月如羞面常相遮千个滴殘湘水竹一枝泣斷芙蓉花
黃雲萬頃委溝壑垂垂玉粒生青芽山中高田尚如此
其餘下田尤汙邪城中薪價長十重破籬敗葉爭搜爬
墻傾瓦毀莠生戶豈無盜賊窺室家我聞銀河從古無
人決一朝水落窮流沙從此扶桑根爛北斗傾更何人
泛張鷟棹我有一寸方能剗妖蝦葦洒掃青天送日

光照六合無纖瑕雲深苔滑不可上且聽兩部吹鳴

八月廿九日同補蘿晴江探桂隱仙庵歸憩古

寺

遊山同隊行看山各自領不逢桂花開且踏桂花影桂
藥何離離蓄意如未逞寒潭明空霜禪室納虛景脉脉
夕陽沉泠泠天風冷道人登竹樓彈琴萬山頂

曳杖隨所如小憩古林寺經聲如有人松花飄滿地一
僧長眉青萬竹短籬翠爲我滌齋厨供以伊蒲味時當
晚課齊各各叅佛義余亦慧業人拈花領微示出門秋
正清下山月猶未回頭雲一重鐘聲渺烟際

驢馬歌爲傅將軍作

通典武舉制土木馬於里間教人習騙謂驪上馬也將軍教士習之較精

嚴霜白燧演武場馬騰士飽秋日長將軍教觀軍士戲
投石超距試古方牽來老馬如木馬柴立不動僵中央
儀氏丁中帛氏齒沙囊壓定古渠黃健兒抹額縛窮袴
短衣都學廣川王一人騰蹕類飢隼卓立馬首當平岡
一人挽鬣肆蹴踘反腰貼地唱伊涼或擗雙鞞超陣過
紙鳶飛起黃頭郎或翻兜鍪挂馬腹倒躍井底追沈光
愁如老熊卧當道捷如袒髮遊呂梁健如堯廟橫蹋壁
快如樓季踰短牆超如西域白獅子望塵嗅地知兵糧
妙如獼猴與狗鬪羊淫鷲傲蝴蝶狂人視馬如泰山穩

馬視人如蒼蠅翔三十六番伎奏罪六龍閃閃頽西荒
我聞擊賊貴習膽擲塗賭跳夸精良又聞武侯制遊兵
二十四陣翼兩旁侯景難犯緣陣脚馬隆戰勝因偏箱
似此銀刀兼拐子橫衝天下何人當將軍大笑鳴頰起
樹梨普梨歌不止手舞長劍青天裏次及戈及槍槊矢
一回一試一自喜生逢六合無泥滓不入沙場決生死
但縛大盜三千耳拖腸格鬪血衣紫兵法可傳世有幾
願屈張良爲弟子贈汝圯橋書一紙酒酣長嘆手西指
如此夕陽吾老矣

送秋二首

秋風整秋駕問欲去何方樹影一簾薄蟲聲徹夜忙花

ノ
夕
夕
夕

開香漸斂水近意先涼從此冬心抱彈琴奏履霜

袖手憑闌立雲山事事非雨疎分點下雁急帶聲飛楓

葉紅雖在芙蓉綠漸稀何堪作秋士歲歲送秋歸

馬觀五侍講身後園亭鬻爲酒肆重遊有感

奉誠園裏石闌干手未憑時淚已彈我是華堂舊賓客

殘花今與路人看

同開爐火坐西廳記得靈光舊典型今日人亡風調在

春山留與酒樓青

滄桑未滿十年中門巷淒涼迥不同一樹桃花無賴甚

主人何在尚鮮紅

鳳池侍講與兄某北上同卒徐州聞訃驚駭爲詩

以弔

自敲湘竹寫哀詞，雙弔徽之與獻之一別，便傳人永訣。
百年從此事難知，兩行孤鳳朝天去，半夜紅蘭帶雪垂。
惆悵浮生真草草，不如落葉有秋期。

似此人難過四十，可憐官正要三遷，驟聞死信還疑夢。
不解傷心最是天，兩代芸香誰嗣續，九原花萼轉聯翩。
想他風雨彭城夜，錯把長眠作對眠。

自放

自放春歸自黯然，雪飄江上散花天，絳桃遠別楊枝去。
未必相依十一年。

苦奪鸞篋夢一場，誤卿自誤怕思量，餘情還託橫塘月。

好照羅敷陌上榮

贈吳將軍

并序

將軍吳士勝從威信公征金川三戰皆捷金川
奪氣將軍請往降之袍而騎酋長橫刀來迎將
軍徑入虜帳笑曰暮矣索枕卧鼻薊駒甚酣且
召諸酋責以大義營曉之諸酋齟齬不得語乃
椎牛行炙蠻舞雜進定約正月六日詣大軍降
凱旋天子召見勞以酒擢官總兵癸酉二月
挂冠奉八十七歲老母歸西川余相見於秦淮
酒樓上聽述前事喜而贈詩

天威西討莫離支有詔將軍匹馬飛萬種頭顱難聯帳

九邊風色試征衣能教鐵勒驚三箭不用官兵殺一圍
半夜雪花如掌大硬弓還射白狼歸

金川誰築受降城單騎從容自請行潑水刀光迎上客
吹燈虎穴聽鼙聲捧盤香火朝雙耳傳箭江山夜罷兵
椎盡肥牛三百隻歸來殘月在西營

閃閃紅旗海色開妖星半夜掃龍堆闔門泥首張嬰出
滿耳夷歌朱輔來旅矢長韜還武庫金瘡不裹上雲臺
男兒此處難消受天子親斟酒一杯

尊前老去崔嫖姚能說單于謁渭橋百戰餘生依膝下
五湖歸計趁春潮黃金甲冷斑衣煖烏鳥情深劍氣消
只恐雲中需魏尚未容採藥戴金貂

消夏詩十二首書扇寄何孝廉

不著衣冠近半年，水雲深處抱花眠。
平心自想無官樂，第一驕人六月天。

欲采荷花泛野塘，披披荷葉掃衣裳。
畫檣橫處雲波滿，一個舟如小洞房。

赤脚神仙絳節飄，手揮如意把人招。
爲言萬國秋陽裏，儘有栽眉雪未消。

年來心性愛空明，不弄瓊瑤弄水精。
自指頭銜堪辟暑，一條冰上是前生。

鎖斷花關客莫開，白龍皮上冷雲廻。
只憑令史將風報，不許徐陵帶熱來。

北風圖掛劉褒筆自雨亭傳王珙家爭及文人分射覆
一場塵戰綠沉瓜

浮瓜沉李傍清池香隔重簾散每遲何處涼多何處坐
四時筆硯逐風移

不覓雲英一椀漿不須漢殿借明光只教來見玉思遠
暑月能生滿背霜

日暮空堂蝙蝠飛新涼吹上芰荷衣班姬團扇情難捨
翻勸秋風緩緩歸

苦避蚊蟲自築城綠紗紅燭水窗明一丸星報來朝熱
飛過銀河作火聲

陽鳥一樣上天遊冬日人歡夏日愁肯向雲中小回首

金風瑟瑟便生秋

炎歊斷路久離羣消暑歌成一寄君彩箴未搖風已到
不知是墨是涼雲

南樓獨坐

清涼山色酒杯邊身在斜陽小雪天成佛肯居才子後
爭名難到古人前萬重白骨堆青史六代黃金散暮烟
我欲騎鯨遊海上笑他不達是神仙

華子中年屢病忘霍王無短更無長編詩只覺近年好
對酒每思當日狂家爲種花貧亦得身原思退老何妨
風簾殘燭亭亭坐閒看兒童蠟鳳凰

送傅卓園總戎之狼山

癸酉仲冬 皇帝詔詔公出鎮狼山東山高五十有三丈地險正當吳越衝白狼金爪耀日月紅倭花髮吹腥風出海便可抗燕薊磨劍豈止播崆峒此處位置 天聰明長城交與真英雄白下軍民走相告賀者在口憂者貌遙拜青天大角星何年流電重來照我本山中接輿狂張眼不識金人長忽然碧空見孤鳳銜尾只願隨風翔公之風裁一何壯淺色黃衫麥鐵杖入陣先將鼓蓋隨稱身別造弓刀樣公之儒素真吾徒枝枝筆架青珊瑚輕裘時飄叔子帶閒暇亦投祭公壺神光一夜紅黃動公能以神光驗禍福 翩然麒麟大荒縱時飛葭灰臘月涼梅花片片鐵衣香天雞大叫催鼓角琉璃捧出金盆光旌

旗十道拂海水龍魚爭看清河王水晶鹽暴千塲月暖
玉鞭敲萬馬霜東夷讐服南蠻順坐擁貔貅作靜鎮夜
唱天山勅勒歌曉排魚浦風雲陣明年三春積雪消山
人一騎一布袍短衣渡海直入幕長揖營門作馬曹

三月二日泊永濟寺再贈默然

題詩看雪記吾曾高閣重登力不勝兩扇門搖青竹葉
一江水照白頭僧新鶯喉嚨燒香曲細雨烟迷寶塔燈
且喜春寒人迹少琳宮清似玉壺冰

新柳天桃夾岸栽鳥聲歡處有樓臺拔山古樹爭天立
送客斜陽渡水來半夜舟停看月上幾番風逆轉心開
詩箋替我先呈佛交與禪堂老辨才

題竹垞風懷詩後有序

竹垞晚年自訂詩集不刪風懷一首曰寧不食
兩廡特豚耳此贅言也按元明崇祀之典頗濫
蓋有名行無考附會性理數言遽與程朱並列
竹垞恥之托詞自免意蓋有在也不然使竹垞
刪此詩其果可以廁兩廡乎亦未必然矣

尼山道大與天伴兩廡人宜絕頂收爭奈升堂寮也在
楚狂行矣不同頭

小倉山房詩集卷十

甲戌

錢唐袁枚子才

立春前一日與徐鳳木朱艸衣集孟亭溪上草堂

限春字

一箇溪堂六酒人先春一日共尋春
羹調小婦麤俱妙
月近元宵舊復新
風作半琴鳴竹外
燈分雙蕊闌花身
明朝擬踏銀橋市
各戴華陽自製巾

買梅

爲買梅花手自栽
朝衫典盡向蒼苔
笑他絕代高人格
不等黃金也不來

種梅

十丈春山帶雪量一枝短觀一枝長安排要得橫斜致
閒與園丁話夕陽

看梅

最朝東處枝先發漸有蜂來雪大飄同是看梅誰仔細
主人暮暮復朝朝

才走半梢如白龍忽抽千朶春雲濃三更以後看不見
明月一重霜一重

一般玉露總無私山北山南分早遲恰使人心憐舊雨
最開多是隔年枝

山空養慣高情性春早長留好歲華恰惱一林香太遠
教人尋得著吾家

二月朔日孟亭筠軒先後探梅得探字

山人無佳懷花開如生男衆客具羊酒開時紛來探去
者將呼車來者初停驂去爲來者留一客化爲三巡檐
嗅歷歷繞樹睨眈二月初東風春心猶包含一林香
破口幾點珠明簪梅花如大繭賓主如春蠶裹入萬株
烟昵語何喃喃花開未及白人飲未及酣留此飽看眼
待月南山南

折梅

爲惜繁枝手自分剪刀搖動萬重雲折來細想無人贈
還供書窗我伴君

侍兒心性愛風華爭採仙雲鬢上加自卷一雙蝴蝶袖

忍寒先仰最高花

白衣山人畫梅歌贈李晴江

山人著衣好著白衣裳也學梅花色人奪山人七品官
天與山人一枝筆筆花墨浪層層起搖動春光千萬里
半空月闕夜明珠滿山露滴瑤池水倒拖斜刷雜亂寫
白雲觸手如奔馬孤榦長招天地風香心不死冰霜下
隨園二月中梅蕊初離離春風開一樹山人畫一枝春
風不如雨乎速萬樹不如一紙奇風殘花落春已去山
人腕力猶淋漓君不見君家鄴侯作貴官如梅入鼎調
鹹酸又不見君家拾遺履帝園人如望梅先止渴于今
北海不作泰山守青蓮流放夜郎沙白髮千丈頭欲禿

海風萬里歸無家傲骨鬱作梅樹根
奇才散作梅樹花
自然龍蛇拗怒風雨走要與筆勢爭
槎枒山人聞之笑
口哆不覺解衣磅礴羸更畫一
張來贈我

菩提塲古梅歌限大字與蘭坡學士作

從來廟古樹必怪竟有梅花塞廟大
南都兩寺大者三
菩提一株母乃太有
如人形共七尺忽然丈六金身在
三寸之珠十圍玉此物豈合存塵界
勃勃擎將雨雪飛
童童欲把扶桑蓋一
白光播大殿明半開影壓僧房隘
孤根入地花入天
身在寺中香在外我生愛梅如愛色
得此傾國癢搔疥
初疑導從萬玉妃
水晶宮闕搖環珮
又疑白象散天花
牟尼珠子穿旌旆
睽睽萬目摩青柯

喋喋方言議根派老僧古貌長眉青問樹疑年默不對
但說前朝焦狀元曾坐梅窗拊梅背我聞其言彈兩指
劫灰陣陣飛衣帶幾行青史後梅成幾堆白骨先梅壞
梅花無情春有情年年二月開無賴長陪仙鶴記堯年
未了人間香火債花氣柔爲十里雲繁枝布施千人戴
勸汝莫矜橫斜影江南城小身爲礙愁汝狂吹清冷香
諸佛聞之鼻破戒人生眼界那有窮物拔其尤意殊快
笑我隨園二十弓年年種梅如種菜不妨無事有其心
老衲大窮將汝賣巨靈雙手掘梅根駱駝萬匹拉梅載
移植千枝萬枝中諸峯忽壓當頭岱逝將聘汝力不能
行且尋君一而再諸公借我禮佛頭且對此梅三百拜

贈張芸墅司馬兼寄梅六公子

清商絃未絕春蠶餌絲成孤鳳棲高岡青鸞從之鳴江
南春二月芳草綠已盈椽門者誰子禪纒飄瓊纓貯我
園客繭風裳曳華星示我國風篇大雅扶正聲曰予亟
求友神聽慕和平雙丸不獨曜八駿難孤行琴彈鍾子
期詩歌蘇子卿寸心相冥合千春有餘情

昔君遊南海作吏越王臺蟹子吹簫送珠娘打槩陪振
衣忽高蹈白華易小草來尋鹿皮翁共作商山老君家
謝朓樓我家安石里同有白髮親清霜照人子君年四
十六我年三十九兄弟指其口此中宜飲酒

入門烏畢逋出門雞膈膈下山魚脫淵上山雉登木訪

古到瓦官探幽登靈谷微雨過深夜山容赴朝旭得杖
手足輕有書證據足

芸鑿摛
名山記

高塔勞遠脰破碑苦深目

對酒雲數片落花燈一屋五嶽行未徧六朝跡已熟可
惜吳市門不及呼梅福歸來春悄然苔色上深竹

我與梅華谿結交在長安其時諸公子朝顏如濕丹六
郎最嬌小初苗黃金蘭今年隨君來七尺青琅玕感郎
新詩好念我舊雨寒九原不可作萬事同波瀾此日足
可惜來日苦大難君歸往茂陵遺稿訪凋殘

佳期日未宴僕夫告將去敬亭山上雲匪我留能住我
有一樽酒淡泊如春露獨飲難爲歡羣飲亦不豫惟與
素心人朝夕領其趣前有張邴嘗後有羊求與君來船

莫遲君去船莫遠長恐飲酒時正是思君處

將抵淮矣忽爲大風所尼泊荻港作詩

我作長淮行誤呼龍頭艦重如曳牛尾難如拗象顛白
知淮王山十日不得領亡何廣陵濤徐徐似波縵微衝
青山烟淡搖楊柳影篙工喜而呼胡奴笑且騁主人請
起起抵淮在俄頃釣徒辭烟波漫郎理筇簪指妾書卷
收催僕行理整自謂卽誕登待飯亦不肯忽然白氣升
惡風被萬嶺海水沸沃焦鯨魚拔滄溟墜波有跼鳶盪
舟無完皿熬斬帝益怒瓦飛鼓更猛澹臺壁欲爭椒邱
劍空挺襟披胸可穿沙射自且賦刻舟同縮屋劃地類
畫餅方期主遇巷何圖坎入井有如食蟭螟正美喉復

小集山房 卷一 五
嗷又如望神女臨御忽已屏彘行尚恐遲今泊更愁冷
大笑風浪天萬事與此等

甲子秋攜陶姬至淮今一星終矣重有汎舟之役
憮然成咏

春燈無夢不悠揚舊曲重彈陌上桑雙槳桃根乘月渡
十年錦瑟似人長捲簾釵影橫江小過眼風花逐水涼
華髮自悲成底事添了嬌女字平陽

哭程荔江

一年一渡長淮水每渡淮時一醉君今日河山重對酒
當年塵尾已凌雲千盤珍草生前散萬古交情笛裏分
愁唱山松行路曲哀蟬落葉夜深聞

長眠人已閉幽宮我是襄王憶夢中交甫珮貽雙角白
夏侯簾捲四枝紅乙丑過淮見附漢玉琴書牋付諸兒
羊角鉏四姬出拜小春雨飄燈萬化空腸斷鶯花三月暮高陽池館又東
風

黃河秋決聞陝督尹公移節清江寄呈四首

孤鳳身高易惹風年年旌節類飄蓬時當清晏誰聽策
事到艱難始借公瓠子三秋歌向北元圭一錫水朝東
相傳迎得司空馬流出桃花已不同

帝把公當砥柱看故教赤手障狂瀾塵談立止黃流濁
犀照應愁水府寒上策漢廷推賈讓遺編唐代重羣丹
華山使者嗟河伯使我軍中少一韓

何處江南非舊遊
兩堤官柳識行騶
廿年故吏知誰在
一局殘棋代客收
元女九天留玉牒
深宮雙箸夾金甌
從今穩上黃麻閣
莫再亭名不繫舟
制府有亭號不繫舟
有人黃犢學躬耕
師友關心夢獨驚
細雨春播芳草軟
孤花寒耐夕陽明
謝安鬢髩愁來白
疏傅家山老更清
十畝水田三頃竹
知公且自羨門生

到清江再呈四首

并序

枚遁跡隨罔塵
思久斷公手書招之
令沈凡民苦加規戒
類慈母之投杼
誤聞蜚語如良醫之
下藥
沫切麻情恐愛之過深
而知之轉淺
率爾言志
請學仲山

自愛青溪水最清忽聞老鳳喚流鶯商量江上新行李
檢點人間舊姓名殷浩何妨東高閣龐公久已事躬耕
夔龍簫管巢由唱請自分途慶太平

一笛斜陽萬木飛中年哀樂雪飄衣水邊花淡春將暮
山裏梁空燕獨歸卓氏酒盞三月斷鄂君翠被十年違
如何野草鴛鴦夢尚有襄王說是非

每望旌旗酒淚痕當初薦表苦推袁想傳衣鉢終無分
賴有文章好報恩書卷一編常按日梅花三百自成村
他年李泌金鑾殿莫說陽城尚在門

接得郇公五色箋敢辭雙槩木蘭船蒼生望淺人難起
絳帳情深月再圓白下孤雲芳草渡龍門高浪夕陽天

可憐桃李青青樹虛領春風十六年

留別荷芳書院四首

尚書官舍卽平泉手闢清江十畝烟池水綠添春雨後
門生來在百花前吟詩白傅貪風月問字侯芭感歲年
三日勾留千度醉爭教賦別不潸然

驪歌一曲柳千行荷葉離離尚未芳四面鶯聲啼暮雨
半竿帆影過低牆籬笆門小花能護歌舞臺高水自涼

看取

君恩最深處碑亭無數卧斜陽

園多高相
國紀恩碑

拓開粉壁換窗櫺收得春光入戶庭古樹獨當人面立

遠山遙隔竹簾青箭抽金僕穿楊試曲按銀箏帶水聽

莫道夜深風轉緊要吹斜月上孤亭

諸郎箇箇似瓊枝握手風前有所思折柳白澆臨去酒
攀花難問再來期烏緣戀樹啼偏苦雲是還山見更遲
記取高陽池館地江烟江雨一題詩

尹公和詩

敢云景物似平泉聊趁公餘坐晚烟千里人過袁浦
畔一聲歌到綠楊邊青燈夜雨添新夢畫舫秦淮感
昔年莫謂邇來清興減偷閒同醉落花前

曾記山房字幾行重遊舊地感荷芳花殘豈盡因春
雨樹老仍多傍短牆把酒却逢新漲滿開窗共納北
風涼林園賓主知誰是一片蛙聲送夕陽

半窗斜月透疎櫺草滿階除竹滿庭老去一身隨處

好年來兩眼爲誰青
琴彈古調原難賞
詩帶離聲轉怕聽
怪底野心留不住
小桃源內有山亭
臨岐攀折路旁枝
手跡還留去後思
黃鳥鳴餘添別恨
牡丹開罷計歸期
孤帆短棹隨風遠
落日閒雲出岫遲
羨煞村居耽嘯咏
可能頻寄見懷詩

寄聰娘

花開時節不離君
花落琴河手暫分
二十四橋楊柳岸
春愁頻觸杜司勳
黃鸝陌上怨啼烏
家有春山似畫圖
三日不棲雙燕子
櫻桃花淡繡簾孤

畜鴛鴦

白鷺不受馴，遶天飛積素。與我兩忘機，霜衣振微步。側
原睇幽人，如作魚兒捕。淡交旣目成，頭白當如故。釣鮮
輒先供，淪泉必手具。瘦竹表秋清，孤花寒日暮。立斷小
亭風，淡月滴微露。

闌鶴

海人貽雙鶴，攜入秋山來。鶴自適野性，人能增遠懷。所
嫌園無垣，羽翼恐當乖。千年雖來歸，而我安在哉。取彼
青竹竿，編爲三重籬。風月有疆界，去來無是非。不徑而
不竇，朝夕舞。傲傲語汝青田翁，莫嫌鸞翮鍛。漢有陳孟
公，留客投其轄。

憎鹿

名士非不佳太癖難入坐養鹿亦如之虛名受實禍叻
叻噤其口疑疑恃厥角未荒樹剝膚非蝨書大嚼昌黎
厭蝦蟆柳州憎王孫主人援此例呼之爲惡賓

養松鼠

曾讀尸子書松鼠不知堂茲鼠何爲者依人爲饑糧物
小有仁心銜指如恐傷身學慶忌捷拱敬丈人老烟寒
樹影停月白松花曉突如其來如竹竿青嫋嫋

惜兔

孰如慕容氏白如玉衡星姬娥不收拾長鬚奔空庭爰
爰性無毒趨趨時多驚玉雪忽墜地委化未分明望月
不動杵守株空復情解憤潑寒酒遺毛上管城爲誰空

搗藥不能學長生

淮上乞魚門益松得松而歸

青青盆中松悄悄魚門子一言贈故人蒼龍渡淮水其
時松正花帶花遠行路粉落半船白香動春江暮入園
未浹句翠葢先百草水聲淮北遙山色江南好

以松與蘭坡學士易栢學士不可

人意難屬厭機心生草木換松如換馬望栢如望蜀賴
有栢主人揺手稱不可得失一老兵而忘我爲我君旣
寶鼠璞僕亦享傲帶落日一樣秋歲寒兩家酒

題廣川載鶴圖送姚小坡牧景州

官清如鶴清官行鶴亦行一船官鶴雜官吟鶴能答鶴

軒官不乘官舫鶴轉據今夜月明時抱鶴宿何處
誰能爲此圖補蘿沈東陽墨妙追昔賢其人鬚眉蒼頹
年感遠離涕下沾衣裳矧我佐廳下恩好隆中腸兒時
羊酒地南部州花塲三春幽夢醒萬斛西風涼回首長
相思如何不盡觴

行行已有日轆轤來車輪不忍別吾園况此園中人園
中人愧鶴不能傍君身斗酒爲君辭長歌與君訣寒雨
厚青苔明燈散黃葉呼童掃落花莫掃君行跡

任處泉太守在山陰得陸放翁快閣故址自倡七
律四章託石帆學士代徵和者

石帆學士寄雙魚代索廬山九錫書洛下久推白傅達

鑑湖兼得陸家居百年剡曲秋風後二月蘭亭春水初
遙想墻東避世者幾枝花插短轅車

四首詩箋寫百通恍傳仙語出山中魯連黠似黃鸝子
琴客騎須赤鯁公溪上苧蘿西子月竹閒牕戶宋朝風
問君亭畔三更雪可遇梅花似放翁

楊憑宅子香山住蕭復園亭王籍求自古文章傳勝蹟
幾人宦海得閒遊迎賓先取靈蓍筮服食多從本草搜
儘此烟雲銷歲月幾間草屋亦千秋

少年也有巢由在三十休官尚道遲勾漏郡中頻采藥
麒麟閣上只吟詩青松各據雲千尺野鷺同憐水一池
爲訂西溪戴安道山陰明月是心期

做曹子建送白馬王體六首送香亭弟之壽春

鵲鳴高樹阿弟歌上堂將適今壽春言辭古建康五月觸徂暑大火喜炎光有淚各無言含情且盡觴秋豆未落其荆花方成行緣何明月來照汝不在旁

在旁無兄弟胡不留征輪輪蹄鳴轆轤中心難具陳無祿及介推履躄勸蘇秦元瑜甫弱冠仲宣初從軍未行愁汝貧既行愁汝身負米慙白髮加餐健青春

青春二三月山中營我屋百尺闌干邊萋然芳草綠遼遼夜未央冽冽風已肅殘月颯衰柳昏燈忙蝙蝠秋一入山林寒先生手足海水日飛揚人生日局促鴻名滿八絃終竟誰骨肉

骨肉夫如何念我曩病時服藥頭岑岑有背誰嘘之中
年無絲竹哀樂來相欺弱女終非男天命頗可疑揚名
不續姓達者亦狂癡噉噉澤中雁哀鳴求其私陰陰桑
榆花漸老蔭本枝但願弟達早不願弟歸遲當年陽亢
宗負弟山中嬉

嬉遊事未成余衷殊了了阿三娶糟糠阿五識梨棗兩
妹各有適人少易溫飽弟也愛其名所期在遠道誤讀
國風詩好色苦不早余已負少年君母愁醜老雖非蕭
史仙玉女翔三島亦非牧犢子七十猶枯槁

枯槁孟冬時百僚揮金鞭刺史謁府僚書記亦翩翩膏
驪鳴廣陌采舟泛崇川玉雪含春語隨君還空山伯也

朔風詩叔也河梁篇錫也亦能歌八風金石宣良時僅
轉睇景運如風旋暫且學黃鵠矯翼浮雲天

答香亭見寄

不忍離君忍送君阿千歌到阿兄聞孤花江上秋深雨
斷雁天南日暮雲何氏小山無夢草桓家蠻郡有叅軍
碧芙蓉水紅蓮月待汝歸帆盪夕曛

莊念農明府就按白下予與晴江介菴往訊平安
賦詩奉慰

一笛迎霜萬木疎挂冠人正聚江湖同驚秋水漲難定
且喜晨星座未孤寵罷馬援談意苒功成李牧算軍租
拂衣男子關心甚收得楊彪考竟無

久別成連海上琴青溪重聽子牙音風高燈影吹成雪
雨過花痕淡見心四海恩仇歸氣數百年才命各升沉
厄屯歌唱三千首我爲臺卿怨更深

閒寫五絕句

殘漏敲詩夜夜同銀缸晚點托巴童隔花自望讀書處
斑竹小窗紅未紅

荷花夜靜月華凝花面添鋪水一層愛趁涼風小兒女
綠芙蓉上試秋燈

采得芭蕉當席鋪自措團扇寫官奴幽蘭窈窕青琴側
吹氣撩人乍有無

何須橘叟問滄桑何必臆雞話短長兩個文禽學人語

金衣公子雪衣娘

一樓書卷萬花熏
靜掩柴門自策勛
寄語公卿休剝啄
名山高不借青雲

同張芸墅入攝山投宿鹿泉菴作

久聞攝山佳未攬
攝山勝得逢素心
人春暮發清興尋
幽早乘興買勇遂
脫鐙到菴日已暮
山色窈然靜門前
竹數枝帶雨將人
迎老僧膜手言山
大遊難竟盡養登
臨力小住幽棲徑
兩人以爲然雲卧
意先定三更聞佛
香一枕來滿磬

贈菴僧爾霞

十里山深日易斜
看山人住遠公家
晚風初起燈搖閣

溪雨乍來梅落花漏盡松聲翻貝葉夢回月影上袈裟
羨他窗外千章木長與高僧共歲華

曉登千佛岩至萬松菴坐雲木相叅閣分賦

卧起白雲圍出入青松繞終竟諸琳宮何者爲絕好龍
象巖如麻金光夕陽小蒼官儼環衛幽翠滴窈渺一閣
西浮天萬象暴其腦碧瓦耀陽阿樽檻冠霞表敷坐息
微倦憑欄數歸鳥露重葉生光風回鐘尚嫋一笑下層
巔輕烟動林杪

大殿外古銀杏歌

叅佛先叅龍樹根訪仙先訪羲軒民君不見棲霞銀杏
樹兩株中有三皇眷一雌一雄屹相向老龍拔湫蛟蠅

強根蟠南極太陰深葉盡西天花雨上我來張臂抱百
圍一人臂盡十人隨不教日影漏到地但聽風聲雲外
吹空心斷節雪霜飄百劫昆明火未燒枝枝葉落依三
祖歲歲花開送六朝嶧陽之桐雷火送孔陵之檜東周
夢終竟空王法力長雙留鴨脚棲鸞鳳 當今聖人開
明堂萬牛廵山拉豫章匠石四顧心徬徨高者斤削爲
棟梁脆者填竈爲柴桑汝獨不焚亦不用終身慘淡蟠
穹蒼遊客對之顏色變銅狄摩挲三百遍半日空廊覓
斷碑餘根猶露金剛殿

白雲菴

南齊碧虛仙捨宅存高嶺前朝隱士來補苴復整同

是白雲人都無白雲影寂寂讀書堂沉沉功德井池靜
夜泉生雲深春色冷風韻一絃琴月白萬山頂

春雨橋

橋下三春雨年年落翠微淡流花影去寒咽磬聲希屐
自行來濕僧從何處歸烟絲吹未盡散作野雲飛

天間墩觀响巖碑

秦人獲古古不收後人好古古襍投六經百氏半難信
吾于响巖疑爲尤古人誓竹不書石磨崖夸功秦所留
俗儒因之誣神禹道有奇篆垂千秋昌黎勇探廬陵索
甘受百欺無一酬既有其說必附會青天白日生蜃樓
樵夫忽挈何致子靈書八會荒崖搜楊君好事重摹刻

長屏燦列棲霞幽鳥未分蟲魚捨鳳非殷琬戈夏帶鉤
窘如貳負抱桎梏怪如刑天揚戈矛醜如嚴家走餓隸
亂如墻角堆蝸牛倉公四目苦眴轉次伸雙鬪難雕鏤
震雷文裂勢垂蘿寒冰理斷盤堆虬口箝目眯心漆黑
釋文雖具誰咨詢張公得之躍三百我獨一言君無郵
周石鼓疑宇文氏僞尚書得大航頭龍威丈人字不識
闔閭走問東家邱真贗從古事莫辨獄市一闕心終兜
矧此鴻文更無範奇而不古形拘囚歐趙摸搨萬萬本
豈采砂礫忘共球昆吾之跡華山博枉被韃子笑棘猴
瓦棺爛鼎備一格神功聖蹟理則不訶隱既如秦客廬
衆聒姑聽楚人咻搨取一紙新雙眸青蟲象葉啼禿鬚

袁子作歌記所遊

登最高峯

羣峯齊俯首爭把一峯讓一峯果昂然獨立青天上我
來登此如登天無物與我堪齊肩白雲蓬蓬生足下紅
日皎皎當胸前手敲山門鎖聲落山下風老僧迎我便
扶我怕我吹墮烟霄中開牕指示揚州塔入耳頗聞屐
步鐘攝山到此句一變怪石奇松都不見不知人世藏
何所但覺江光搖匹練仰首頻愁真宰侵長空斷絕飛
鳥音遊山莫到山絕頂再上無路生歸心背山搖鞭風
灑灑手擲金輪放西海

靈谷寺

停驂獨龍岡爰尋古靈谷密松蔭五里山門破羣綠紺
殿儼皇居榱榱無尺木萬蟻登穹窿青苔涼昏旭古畫
暗空廊飢蚊鳴佛腹訪古足雖健得僧徑初熟指我誌
公塔浮圖蠹高屋示我曇隱泉八水勢洄曲捲簾謁惠
遠更進松花粥鶯語聚垂楊經聲散踈竹與關各入城
山花人一握

孝陵十八韻

元鼎淪沙漠真人唱大風從南控西北終古一英雄貌
類唐高祖家隣漢沛公元黃清戰血禮樂啓宸聰重典
秋霜下深心養士中虎龍占王氣郊鄒定江東蒼野勞
耕象軒湖泣墜弓黃腸鎮阜闕丹穴水銀空松照金題

碧燈依玉座紅月遊借哲后廟附及青宮開國衣冠歇
中原歷數窮山河餘瓦礫士女亦沙蟲苦竹揺天帚妖
雲閃帝弓蘭亭將出匣牧火欲燒童昭代寬仁極前
朝典禮隆守園頒內監留像護重瞳禾黍雖蕭瑟香烟
竟始終冬青宋陵樹遺恨不相同

太平堤望元武湖

梁朝名飲馬塘蕭道成出屯元武湖至王安石而湖廢明太祖

貯圖籍焉

昆明池繞舊宮牆過客遙看飲馬塘兵氣昔曾屯上將
水聲今尚怨舒王絲桐曲盡漁歌續圖籍烟消鳥語忙
此日菱租三百頃中朝應賜賀知章

用徐鉉荅馮諶語

徐中山王墓

鍾山之陰亂峯起勢如萬劍青天倚對山華表如山高
大書中山王葬此龍碑摩空字百行銘勲敘戰明高皇
草熏日炙難卒讀摩挲青石神飛揚維王二十雲從龍
南徇吳會西噬岷懸旗莫與子儀敵張口不談馮異功
一朝威定虎狼都拔劍廷臣殿上趨博陸丹清居第一
汾陽甲第賜千區從來烏兔哀弓狗誰把兵權釋杯酒
尉遲老計託青商亞父危機擲玉斗半夜吳王舊邸開
將軍大醉誰遣來醒叩階前呼萬死從此臣心照天子
北平軍老朔風殘上將妖星刁斗寒可憐恩賜黃銀帶
尚有人傳白馬肝唐皇絳帛招難起晉武鬚眉淚不乾
祈連高塚橋山劍昭陵弓劍同嗚咽一代風雲竟始終

千秋花鳥催寒食野火光燒鐵券文杜鵑紅染金創血
遊客淒涼淚盈把松鼠僂僂騰古瓦欲拾殘槍問戰功
敲火牧童騎石馬

梁武帝疑陵

古來萬事風輪走除出虛空無不朽忽逢攔路兩麒麟
欲說前朝尚張口一麟腹陷泥沙深一麟僂蹲山角陰
牙鬚剝落鱗爪盡風雨千年石不禁旁有穹碑無文字
萬萬蠅書記某吏葵首有穴當胸穿分明墜入輶輳器
得鼎不識仲山甫讀詩不辨岐陽鼓爭怪當年索幼安
三宿碑前手摸撫有叟爲言梁武陵語雖未確心怛怛
爾時羯磨難贖身誰將八綉禮臺城又聞地名石馬衝

母乃陳祖萬安宮當時鬚根和骨掘規模那得還豐隆
是梁是陳語正譁東風一陣吹烟沙黃圖我欲披皇覽
白骨人誰認帝昶嗚呼君不見南朝二十餘陵盡建康
冬青無樹烟茫茫

謁蔣廟

爲神爲將此山中徽帶依然漢上公冷廟滴殘三月雨
靈旗吹滿六朝風階前泥馬毛如動門外松濤響在空
昔日南郊不祭盛衰君亦與人同

景陽井

華林秋老草茫茫誰指遺宮認景陽當日君王縱消渴
井中何處泛鴛鴦

遭際

風豈愛吹花落地雲非肯讓月當天要看遭際竟如此
世事悠悠總偶然

秋夜雜詩 并序

余春秋三十八後頗畏秋風當之歛斂不已形
貌夏肥秋瘦與時慘舒八月九日雨泔泔不絕
桂無留花交好沈李二公愛而不見燈下寒蠶
蕭瑟逼我書懷

木葉豈肯去忽然秋風掃掃之猶未已乃至聲怒號萬
片墜古瓦如雪空中飄我起一吹髮中人如利刀喉作
鋸木聲漏盡勢益驕寒燈逼瘦影黃葉同蕭蕭人生非

草木大化隨周遭所悲前三年未敢欺二毛

前年桂花開一雨天香過今年桂花開雨比前年大自
從栽桂來逢開爲雨破天意竟如斯對花還默坐

嘒嘒寒蟬鳴趯趯草蟲響朴握朝蹠躩絡緯夜績紡問
是此何時尚無霜雪想西海有靈芝日伴桑麻長青山
塞堂前無事吟孤往

不朝那有暮無新不成故若云死可悲當知生已誤但
愁溢然來未許先營度又愁輪迴多耶孃認無數

至人非吾德豪傑非吾才見佛吾無佞談仙吾輒排謂
隱吾已仕謂顯吾又乖解好長卿色亦營陶朱財不飲
愛人醉不醉愛花開先生高自譽古之達人哉

一日不讀書如作負心事一書讀未竟如逢大軍至妻
子咸我唾名傳亦難恃何如梁蕭恭歌舞日歡喜余喋
不能答推書行復起似乎未死前我法當如是有所爲
而然俱非真好耳

偶讀 天子詔防秋西開邊降王來結贊雕弓鳴新弦
一時巴陵王荷戈如雷顛僕也齒相擊能讀十三篇願
得丈二及爲 國銘燕然唾壺敲茫茫秋霜化檻羊自
笑便了奴鼻涕一尺長

我年甫五歲祖母愛家珍抱置老人懷弱冠如閩人其
時有孀姑亦加鞠育恩授經爲解義嗟背分餘溫傷哉
縮綬時二老俱無存我今官爲家遠辭白楊春古人不

墓祭此語難具論既傷李密表更思王祥言隨葬固爲
達歸葬終爲仁醒時今日月夢中昔晨昏切切復淒淒
愴然動心魂

吾少也貧賤所志在梨棗阿母鬻釵裾市之得半飽敲
門聞索負啼呼藏匿早推出阿母去卑詞解煩惱今也
得君羹歸山作烏鳥兒已恨中年所餐較前少奚况白
髮人齒牙更衰老冬笋愛今多春蔥憶前好極目三春
卑年年護萱草

雨自屋外鳴愁自屋中入秋痕簾不禁寒影巢盡出殘
荷耿半花插曳暮烟碧芙蓉靜無言惜惜傷晚節趨盡
雖一途久暫異所歷出門苦浮念閉門苦悶寂惟有淵

明詩甜如丹山窰

書堆至萬卷豈無三千斤如何藏之腹重與凡人均我
見書中人與今不相似我醉還問書畢竟何人是

心與木石交家與老農居山中刈薪禾田中問菑畝
畦菜二十七庾郎常躊躇木奴三百樹樊侯算錙銖人言
君達人胡爲治區區余豈不自知萬物多空虛但念人
爲歡須財與之俱衣裳能曳婁車馬能馳驅送生未可
必樂生當有餘果然桑榆迫吾川與今殊誠恐不瑣瑣
安得常愉愉若爲子孫謀真是愚公愚

我愛沈補蘿巍然松栢蒼手摩盤古頂髮帶麻姑霜置
身元氣上浮世等糝糠畫筆爭顧陸書法追鍾王時扶

綠玉杖來飲花間觴子訓摩銅狄宮人說上皇竹石爲
君古杯盤爲君涼但須聞談笑何必閱滄桑天若憐吾
曹爲君駐顏光

我愛李膺江魯國一男子梅花雖嘯強恰在春風裏超
超言鉛屑落落直如矢偶遇不平鳴手作磨刀水雨搏
扶搖風掉頭歸田矣偶看白下山借園來居此大水照
窗前新花插屋底君言我愛聽我言君亦喜陳遵爲客
貧養之以樂死人生得友朋何必思鄉里

嗟余秉微尚恥以文字垂少小氣蓋世於書靡不窺上
探皇王畧下慕管樂才天文及陣法一一窮根夢年歲
日以增志氣日以卑靜觀天下事非我所能爲方策雖

宛在詩書多餘欺瑤臺無幾修陽文空好姿靈龜曳其
尾掉首還丹池不求勲萬笏但求酒一卮歲月花與竹
精神文與詩名傳吾不管不傳吾不知千秋萬歲中吾
意盡於斯

晚眺三首

窗黑捲簾波人間奈晚何登山立高處貪得夕陽多
萬戶炊烟升化作一疋布誰家舉火遲老鴉知其故
黃瓦鬱層層人言是孝陵蕩搖千里目寶塔一風燈

讀史雜詩

莫笑人才古不如聽卿諸語足軒渠稔侯老養天閑馬
呂尚長供使宅魚

漢家名器原須重
白首爲郎總是恩
無奈平明事朝謁
韓嫣騎馬入宮門

堂堂獨坐五諸侯
不見朱提錫一流
唐納告身須帖括
宋征常賦有留州

白水真人夏少康
忍將都護拒西荒
雲臺治比輪臺盛
每發兵時髮髮蒼

金柳早作吐蕃營
笳鼓虛張梨樹盟
識破夷情徒一嘆
書生誰信柳宜城

韋襄作相日愁歎
債帥唐時遍地看
一笑王陽金不化
三君容易八廚難

家家鶴膝戶犀渠
自道如錐利有餘
我愛錢徽知貢舉

臨危終不發私書

赤棒傳呼伏上刑
飲章金布欠分明
買絲繡作劉從諫
表請王涯一罪名

絃絕清商豈何絲
盈虛於蠶有誰知
黨人不赦陳蕃死
轉爲黃巾起太遲

樂府新歌子薦篇
望春樓下忽喧闐
三郎能記游仙曲
不記開元前十年

尹宮保四督江南寄詩問病依韵奉答

尚書來去石頭城
野鶴孤眠廢送迎
江上慶雲人四見
山中小草病重生
隨車雨又因風至
不繫舟還帶雪橫
寄與絳帷盧子幹
新詩手跡若爲情

竹支冠小不輕彈，抽得閒身病亦安。
地僻雲山容我懶，官卑進退較公寬。
浮雲過眼都陳迹，古栢當空耐歲寒。
未識西川嚴節度，可來花下簇金鞍。

病中哭吳廣文

十一月二十六日吳次侯廣文問病隨園歸後
具野鷺相貽未浹旬而訃至

病中聞死最關心，况復聞君淚不禁。
一面未終來訣別，九原長往斷追尋。
紅燈對酒山河遠，白骨臨江雨雪深。
家有元瑜舊書記，得知消息也沾襟。

香亭弟曾為先生
記室今在壽春

病起六首

病起初拈筆，一枝笑將病態入。
新詩登堂喜似遠歸客。

扶杖苦於垂老尉想爲文章傳尚早故蒙天意死教遲
開牕定惹青山笑依舊渠來作主持

牙籤一半罾蜘蛛玉石零星散失餘頗有談功偏損氣
新成耳學但聽書燈前髮短清霜冷枕上更長夜月虛
人道騷人無別證爭將消渴訊相如

偶然洩氣類鍼芒九萬巴箋盡藥方轉被庸醫增劇悶
何曾名士有膏肓一臬破鏡春雖轉三轉纏腰痛未忘
堪笑此身夸負荷雙肩方且快衣裳

不妨將病補蹉跎此際情懷足嘯歌謝客有詞扁戶穩
消閒無物仗詩多參苓味苦思雞黍蘭菊花殘賸薜蘿
仙鶴牽衣鷺鷥笑主人小別又春疲

學仙擬作五禽戲，彈指剛償百日災。難覓劉郎消食藥，
思尋武帝避風臺。捲簾樹老生機盡，問疾人歸死信來。
謂吳廣文三十九年三大病，匹如三世已輪迴。

已去重來萬念差，及時行樂可遲耶。身原過客天留我，
物且同春雪當花。金鴨爐多環几席，水仙香冷撲窗紗。
陳情表共閒居賦，買斷山中老歲華。

哭阿忻

有序

乾隆元年寡姊攜二甥來歸，長阿登次，阿忻幼。
幼了了先君子，心急抱孫命倣陽。亢宗司空表
聖故事，今任戴冠矣。余尚無子而忻性跳盪，雙
鬢弄翰亦有花竹癖。余得明中山王更衣故宅。

亭石幽邃下臨秦淮命所奉母以居秋八月與
阿登同病疴余往兩摩其頂則兒重而弟輕也
亡何余亦瘵綿惛幾絕昏憒耳屬有呼而急走
者曰陸家大郎痊小郎死矣嗚呼數之難知也
如此余不獲視殮聞爲臧獲所愚楮杼脆薄幾
難藉幹悲妙之憑欄望子淚與河深作哭阿所

詩二章

十年枉種一枝蘭事竟成殤影又單望子臺空慈母瘦
讀書燈斷小山寒憐余未盡三號禮累汝曾無七寸棺
憶着司空同諫議古人難學淚空彈

非關騎折玉龍腰耳冷空聞子晉簫簾內落花飄旅櫬

水邊橫笛自春潮
新聯姻媿人何在
定婚東海徐氏
太愛風流
樹易凋想是將爺來喚舅
鄧攸此福也難消

八月十九日病至除夕猶未理髮不飲酒不茹葷

雪窗獨坐

髮蕭蕭春寂寂
明年只有一燈隔
病餘身壞似秋蕉
壁罅風來如刺客
憶昔兒時嬲阿母
子鷺殘炙屠蘇酒
明珠綴蠟鳳凰來
又脚騎燈竹馬走
於今扶母升高堂
兒獨清齋學太常
思遣門生議組蟒
又恐消食無檳榔
隣家爆竹聲紛紛
徹宵驚破空山雲
梅花橫窗作微笑
笑我不似新年人
新年舊吾不知磨
墨一螺筆一枝
莫管三萬六千日
且了三十九年詩

喜終養文書部覆已到

一紙陳情奉板輿 九重恩許賦閒居
身依堂上衰年 母日補人間未讀書
花竹千行環子舍 牙籤四面繞吾廬
此中便了幽人句 門外浮雲萬事虛

午倦

讀書生午倦 一枕曲肱斜
忘却將腮掩 渾身是落花

題畫白頭翁

誰畫白頭翁 一笑不如烏
生來自白頭 無人嫌汝老